



Awgrymiadau ac offer am reoli arian fel myfyriwr

Helpwr
Arian



Llywodraeth EM

1. Gosod cyllideb wythnosol

Nid yw cael benthyciad neu grant myfyriwr – neu arian gan deulu neu swydd – yn golygu eich bod yn gyfoethog ar unwaith. Rhaid i'r incwm hwn barhau bob mis neu dymor, felly cyfrifwch gyllideb wythnosol i reoli'ch arian.

Edrychwch ar y dudalen [HelpwrArian](#) ar [awgrymiadau cyllidebu i fyfyrwyr](#) a defnyddiwch un o'r [cyfrifianellau cyllidebu](#) ar [Save the Student](#) neu [Cynlluniwr Cyllideb](#) HelpwrArian.

2. Sicrhau'r incwm mwyaf posibl a rheoli gwariant

Fel myfyriwr, efallai mai dyma'r tro cyntaf i chi fod yn gyfrifol am reoli'ch arian eich hun. Bydd angen i chi gyllidebu ar gyfer rhent, bwyd, biliau, trafndiaeth a chymdeithasu. Os gallwch gadw eich gwariant dan reolaeth nawr, bydd yn eich helpu i osgoi mynd i broblemau ariannol yn nes ymlaen.

Mae bob amser yn werth chwilio ar-lein neu ofyn mewn siop am ostyngiadau myfywrwr bob tro y byddwch yn siopa a phan fyddwch yn cofrestru ar gyfer pethau fel y gampfa neu wasanaethau ffrydio cerddoriaeth. Byddwch yn gallu cael rhai gostyngiadau myfywrwr gyda dim ond eich cyfeiriad e-bost myfyriwr


neu gerdyn ID, ond gallwch hefyd gofrestru am fwy o ostyngiadau gyda TOTUM, Unidays a Student Beans. Byddwch yn ymwybodol, er y gall gostyngiadau eich helpu i arbed arian yn y tymor byr, mae'n hawdd cael eich temptio i orwario. Nid yw'n "10% i ffrwrdd" os nad oeddech angen yr eitem yn y lle cyntaf, mae'n debycach i "90% o gostau".

Edrychwch ar y tudalennau [HelpwrArian](#) ar [arbed arian ar filiau](#).

Dylech fod yn ofalus a deall y risgiau o geisio gwneud arian drwy fuddsoddi. Mae myfywrwr wedi colli symiau mawr o arian trwy ddefnyddio eu benthyciad i wneud buddsoddiadau risg uchel mewn arian cyfred cripto neu ar apiau sy'n gwerthu stociau unigol. Darganfyddwch fwy am [ddeal y risgiau wrth fuddsoddi](#).

3. Deall contractau ar gyfer rhentu neu dalu biliau

Mae'n bwysig deall y rhwymedigaethau y gallech chi – neu'ch rhieni/ gwarcheidwaid – eu hwynebu am fetu â thalu unrhyw arian sy'n ddyledus wrth arwyddo cytundeb cyfreithiol rwyml yn eich enw chi.



Mae hyn yn berthnasol hyd yn oed os ydych yn rhannu biliau gyda chyd-letywyr.

Os bydd Debyd Uniongyrchol yn methu (mwy nag unwaith), i rywun mae arnoch arian iddynt, gallai hyn gael ei ystyried yn dor-cytundeb, a allai effeithio ar eich sgôr credyd.

Edrychwch ar y dudalen HelpwrArian ar cyfrifoldebau [cyfreithiol ac ariannol wrth rentu](#).

4. Gwrio sgoriau credyd

Ni fydd cymryd benthyciadau myfyrwyr yn effeithio ar eich sgôr credyd, ond gall mathau eraill o fenthycia, fel trefniadau prynu nawr talu nes ymlaen neu gytundebau ffôn.

Mae'n bwysig eich bod yn gwneud ad-daliadau ar amser er mwyn osgoi niweidio'ch sgôr credyd. Dylech bob amser gysylltu â'r cwmnïau y mae arnoch arian iddynt ar yr arwydd cyntaf o anhawster. Gallwch wirio ac olrhain eich adroddiad credyd ar-lein am ddim.

Edrychwch ar y dudalen HelpwrArian ar [sgôr credyd](#).

5. Rheoli cyfrif myfyriwr

Cyfrif banc neu gymdeithas adeiladu myfyriwr yw'r brif ffordd i chi reoli eich arian o ddydd i ddydd.

Gall nwyddau am ddim sy'n dod gyda chyfrif newydd fod yn demtasiwn, ond dylech ystyried ffactorau eraill, megis a oes ap hawdd ei ddefnyddio a beth yw'r gorddrafft di-dâl sydd ar gael. Mae hefyd yn bwysig edrych ar y taliadau a allai fod yn berthnasol os byddwch yn mynd i orddrafft heb ganiatâd.

Edrychwch ar y dudalen HelpwrArian ar [gyfrifon myfyrwyr](#).

6. Defnyddio gorddrafft di-log

Mae gweithio allan cyllideb i dalu eich treuliau am y tymor llawn yn gam cyntaf pwysig; fodd bynnag, mae gorddrafft awdurdodedig di-log yn parhau i fod yn achubiaeth hanfodol i lawer o fyfyrwyr. Gall helpu i leihau'r angen i gymryd mathau drutach o gredyd. Os ewch dros eich gorddrafft di-log neu os ewch i orddrafft anawdurdodedig, codir ffioedd a llog ychwanegol arnoch.

Cofiwch serch hynny, nid arian am ddim yw hwn, a rhaid i chi ei dalu'n ôl ar ôl graddio.

Edrychwch ar y tudalennau HelpwrArian ar [orddrafftiau](#) ac ar [rheoli dyledion ar ôl graddio](#).

7. Croni cynilion

Gall cyllidebu wythnosol ei gwneud hi'n haws nodi lle gallwch dorri'n ôl a chroni cynilion ar gyfer argyfyngau, waeth pa mor fawr neu fach, a thrwy hynny leihau eich angen i ddefnyddio credyd.

Os byddwch yn sefydlu cyfrif ar wahân ar gyfer eich cynilion, bydd gennych lai o demtasiwn i'w wario na phe bai'r arian yn aros yn eich prif gyfrif myfyriwr.

Os ydych newydd droi 18 oed, a ydych yn ymwybodol y bydd eich cronfa Ymddiriedolaeth Plant yn barod i chi ei ddefnyddio?

Edrychwch ar y tudalennau HelpwrArian ar [gronfeydd ymddiriedolaeth plant](#) neu ar [gyfrifon cynilo dim rhybudd](#).

8. Diogelu pethau gwerthfawr ac eiddo

Sicrhewch fod eich ffôn symudol, gliniadur, beic, ac eiddo arall wedi'u diogelu'n ddigonol rhag ofn y bydd colled, lladrad neu ddifrod.

Gall rhai eitemau gael eu hyswirio oddi cartref, gan yswiriant cynnwys cartref eich rhieni neu warcheidwaid.

Os ydych yn byw ar y campws, gofynnwch a yw yswiriant cynnwys wedi'i gynnwys yn eich costau llety.

Edrychwch ar y tudalennau HelpwrArian ar [yswiriant cynnwys](#) ac, os ydych yn bwriadu gyrru, ar [yswiriant car](#).

9. Bod yn effro i sgamiau

Meddwl na fyddech byth yn disgyn am sgam? Mae'n debyg nad yw hynny'n wir. Yn ôl Sky News, mae pobl o dan 25 oed chwe gwaith yn fwy tebygol o ddioddef troseddwr sy'n defnyddio llwyfannau cyfryngau cymdeithasol na phobl dros 50 oed.

Gwnewch yn siŵr eich bod yn parhau i fod yn effro i sgamiau: gallech gael eich targedu trwy negeseuon testun neu WhatsApp, e-byst neu drwy gyfryngau cymdeithasol. Gallai'r sgamiau hyn fod yn hysbysebu cynlluniau i ddod yn gyfoethog yn gyflym, grantiau llywodraeth am ddim (twyll budd-dal tebygol) neu ofyn i chi fod yn ful arian trwy drosglwyddo arian yn anghyfreithlon rhwng cyfrifon.

Dylech roi gwybod i [Action Fraud](#) am unrhyw sgamiau rydych wedi'ch targedu â nhw ar unwaith. Peidiwch byth â datgelu unrhyw wybodaeth bersonol nac anfon na derbyn arian gan sgamwyr. Gall defnyddio eich cyfrif banc ar gyfer gweithgaredd anghyfreithlon olygu y bydd yn cael ei gau i lawr, sy'n ei gwneud hi'n llawer anoddach derbyn arian o'ch benthyciad myfyriwr neu swydd.

Edrychwch ar y dudalen HelpwrArian ar [sgamiau](#).

10. Cael trafferth gyda dyled

Os ydych yn cael trafferth gyda dyled neu'n poeni am arian, cysylltwch ar unwaith i gael help am ddim.

Mae gan bob prifysgol a choleg wasanaethau cymorth i fyfyrwyr, ac mae gan lawer ohonynt gynghorwyr arian myfyrwyr ymroddedig, a all eich helpu i weithio allan sut i ddelio â dyledion a chael mynediad at gronfeydd caledi.

Ar gyfer materion dyled mwy difrifol, gallwch ddefnyddio [teclyn canfod cyngor ar ddyledion](#) HelpwrArian i ddod o hyd i weithiwr proffesiynol hyfforddedig a phrofiadol a all eich helpu am ddim.



Ewch i safle HelpwrArian drwy sganio'r cod QR yma